

Apa Pendapat Biskita?

Remaja dan gadget

PERKEMBANGAN gadget dewasa ini sangat luar biasa, bahkan penggunaannya pun sudah merambah jauh ke kampung termasuk menghilangkan batas usia pemakainya.

Gadget selalu diertikan lebih tidak biasa atau direka bentuk secara lebih pintar dibandingkan dengan teknologi normal pada masa penemuannya.

Gadget juga disebut dengan gizmos, memiliki gadget tentu sah dan tidak salah, gadget kini bukan lagi menjadi barang bergaya, bahkan untuk sebahagian orang telah menjadi keperluan primer.

Gadget boleh saja kita sebut pelengkap, dengan fungsi melengkapkan kehidupan profesional dan keseharian kita. Kesalahan terjadi apabila gadget beralih fungsi menjadi keperluan dalam hidup. Saat ini kita memasuki era gadget. Gadget ini mempengaruhi hampir seluruh aspek kehidupan kita. Borcakup masalah pengaruh gadget ada yang positif dan ada yang negatif terhadap remaja di negara ini.

Ruang Apa Pendapat Biskita sempat mendapatkan beberapa pandangan remaja secara rambang mengenai remaja dan gadget :-

"Remaja masa ini jika mengenai gadget ada dua impak yang diperoleh, antaranya, ialah melalaikan, membuang masa, kurang perhatian atau tidak fokus, boleh jadi pendiam, kurang silaturahmi sesama saudara, terpengaruh perkara yang tidak baik dari media sosial.

Tetapi gadget juga boleh mendarat dan mendapatkan banyak ilmu pengetahuan, banyak mendapat info atau maklumat dari luar atau dalam negara, menambah pengetahuan, boleh dapat banyak pengajaran dari info-info yang berguna.

Malahan melalui gadget juga boleh membantu pelajaran khususnya dalam Google, di mana sumber dan maklumat yang banyak yang boleh diguna pakai dalam pelajaran." - **Fizul, Perpindahan Mengkubau.**

"Remaja menggunakan gadget untuk membuat kajian lebih dalam mengenai topik pelajaran yang mereka pelajari, mereka menggunakan gadget untuk berkomunikasi dengan kawan-kawan dan ahli keluarga mereka, remaja juga menggunakan gadget untuk memulakan perniagaan yang kecil, seperti menjual makanan di laman sosial." - **Zat, Perumahan Rimba.**

"Penggunaan gadget bukanlah hal baharu lagi di kehidupan remaja, ia bukan hanya dijadikan pembantu kehidupan ataupun alat komunikasi dengan dunia luar, tetapi juga dijadikan teman untuk mengisi waktu luang, seperti penggunaan internet, bermain game, mendengar muzik / radio, menyimpan kenangan foto / video.

Namun tidak jarang penggunaan gadget memberikan negatif, seperti menyimpan foto / video yang tidak senonoh, melupakan waktu belajar, bahkan terlepas waktu sembahyang.

Selain itu, pelajar memiliki gadget kerana ingin mendapatkan kemudahan dalam berkomunikasi khususnya melalui WhatsApp, Facebook, Instagram, Twitter, Blog, e-mel, Wechat dan Viber." - **Amat, Perumahan Katok.**

"Gadget bukan sesuatu perkara yang baharu dalam kalangan remaja. Gadget bukan hanya untuk kegunaan dalam kehidupan seharian ataupun sebagai alat komunikasi untuk berhubung dengan keluarga, sahabat handai ataupun dengan dunia luar. Tapi ia boleh juga digunakan untuk mengisi masa lapang para remaja seperti mendengar muzik atau streaming movie, melayari laman-laman sesawang untuk kegunaan belajar atau membuat research. Di samping itu juga, para remaja pada masa ini sudah pandai untuk membuat bisnes secara online dengan adanya gadget yang semakin canggih ini para remaja lebih senang untuk membuat bisnes dan berhubung dengan para pelanggan dengan mudah dan cepat." - **CW, Gadong.**

Biskita dialu-alukan menyumbangkan pendapat biskita dengan dua tajuk di bawah, sama ada menggunakan nama sebenar atau nama pena.
Sila e-mel pendapat biskita ke :
pelita.brunei@information.gov.bn
i. Rimba Garden Central
ii. BruTrack

UNISSA terima lawatan rombongan mahasiswi UNIDA

BANDAR SERI BEGAWAN, Selasa, 30 Januari. - Universiti Islam Sultan Sharif Ali (UNISSA) menerima rombongan lawatan seramai 28 mahasiswi Program Ekonomi Islam Semester 4 Universitas Darussalam (UNIDA) Gontor yang diiringi oleh dua pensyarah pembimbing, iaitu Taufiq Affandi, M.Sc dan Ustazah Atika Masrifah, M.E.Sy. Objektif lawatan ialah untuk meningkatkan pengetahuan mahasiswi di luar kampus mengenai dengan Ekonomi Islam di negara ini dengan mengunjungi ke beberapa tempat institusi dan menghadiri beberapa kelas ilmiah di UNISSA, lawatan lapan hari itu bermula 16 hingga 24 Januari 2018.

Ketibaan rombongan UNIDA disambut oleh mahasiswa/i UNISSA dan pensyarah-pensyarah. Pada sebelah pagi, ketua rombongan UNIDA bekesempatan untuk bertemu dengan Rektor UNISSA, Dr. Haji Norarfan bin Haji Zainal.

Manakala perjumpaan dengan Fakulti Ekonomi dan Kewangan Islam (FEKIm) berlangsung pada sebelah petang yang dipengerusikan oleh Timbalan Dekan, Hajah Norliza binti DSS Haji Mahalle dan turut dihadiri ialah pensyarah-pensyarah FEKIm lainnya.

Sebagai pengisian program lawatan, rombongan UNIDA mengikuti kelas ilmiah yang berlangsung di UNISSA seperti kuliah Islamic Wealth Management and Capital Market yang disampaikan oleh Profesor Dr. Abd. Ghaffar bin Ismail, kuliah



REKTOR UNISSA, Dr. Haji Norarfan bin Haji Zainal (kiri) menerima rombongan lawatan daripada mahasiswa Program Ekonomi Islam Semester 4 Universitas Darussalam (UNIDA) Gontor.

Siaran Akhbar dan Foto : Universiti Islam Sultan Sharif Ali

Melayu Islam Beraja bertajuk 'Pembentukan dan Pencapaian Nilai-Nilai Murni dalam Konsep Melayu Islam Beraja' yang disampaikan oleh Dr. Sarinah binti Haji Yahya, Entrepreneurship Talk "Think outside the box" yang disampaikan oleh Dr. Khatijah Othman, Bicara Pakar bertajuk 'Knowledge Practice Dichotomy' yang disampaikan oleh Profesor Dr. Muhammad Syukri Salleh, dan Kelas Talaqqi Kitab Turath, iaitu Kitab hya 'Ulumuddin yang disampaikan oleh Dr. Sayyed Abdul Hamid Al-Mahdaly dan sesi kongsi yang disampaikan oleh Dr. Shohibuddin bin Laming.

Rombongan juga mengadakan lawatan ke beberapa institusi, iaitu Bank Islam Brunei Darussalam (BIBD), Bahagian Kawalan Makanan Halal, Kementerian Hal

Ehwal Ugama dan Kedutaan Indonesia.

Mereka juga berpeluang melawat beberapa tempat menarik seperti Masjid Omar 'Ali Saifuddin, Taman Mahkota Jubli Emas, Kompleks Yayasan Sultan Haji Hassanali Bolkihah, Istana Nurul Iman, Muzium Royal Regalia, Pasar Malam Gadong, Jame' 'Asr Hassanil Bolkihah, Bandarku Ceria, Jerudong Park, Muzium Teknologi Brunei dan Muzium Maritim Brunei Darussalam.

Pensyarah UNIDA, Taufiq Affandi juga berpeluang menyampaikan kuliah umum bertajuk 'Peranan Multimedia dalam Pengembangan Ilmu Ekonomi Islam' kepada pelajar-pelajar FEKIm tahun 3 dan 4.

Pertandingan Ikan Flowerhorn, 3 Februari

Berita dan Foto :
Ihsan King Mix Brother

BANDAR SERI BEGAWAN, Selasa 30 Januari. - Para peminat dan penggemar Ikan Louhan (Flowerhorn) akan

berpeluang menyaksikan pertandingan ikan tersebut pada acara 1st Season Mini Competition 2018 yang akan berlangsung pada 3 Februari ini.

Kejohanan yang dianjurkan bersama oleh King Mix Brothers dan disokong oleh UFA Brunei Darussalam tersebut

akan diadakan bertempat di alamat No. 62, Jalan 3, Perumahan Orang Awam Rimba Gadong bermula jam 7.00 malam.

Selain dari pertandingan, turut diadakan ialah acara Jualan Bumiputera yang akan diadakan pada 2 hingga 3 Februari di tempat yang sama.